

萬 有 文 庫

第 二 集 七 百 種

王 雲 五 主 編

史 繹

(一)

馬 驢 撰

商 務 印 書 館 發 行

史

繹

(一)

撰 驢 馬

書 叢 本 基 學 國

序

釋史百六十卷。今靈陽令鄒平馬侯所譔。計爲部有五。首曰太古部。卷十。次曰三代部。卷二十。又次曰春秋部。卷七十。又次曰戰國部。卷五十。合其末之十卷曰外錄部者。共百六十卷。而編成統名之曰釋史。而因前侍御八寶喬公緘昧予。屬爲其敘。予啓而讀之。幾兩月而業始卒。乃喟然嘆曰。嗚呼。斯文之在天壤。猶日月也。歷終古而常新。猶江河也。逮尾閭而愈大。謏聞小生。少見多怪。動謂古今人不相及。豈不謬哉。試以秦後所稱經世大典言之。自漢而後有畧。漢以前無有也。自晉而後有部。晉以前無有也。自唐而後有典。自宋而後有目。唐與宋以前無有也。自元而後有考。自明而後有補。元與明以前無有也。迄今而釋史復出矣。以一人攬百世之奇。以十年竊三才之業。試取漢畧。晉部。唐典。宋目。元考。明補。與釋史相衡。古今人果不相及否也。予讀之。善其獨勝古人者有四焉。一曰體製之別創也。編年之例。肇自丘明。荀氏而下。莫之能易。晉乘。越絕。楚檮杌。無論已。馬侯舉例發凡。惟以事爲經。而不襲夫系月系時之故。其獨勝者一也。一曰譜牒之咸具也。年月之表。起自司馬。范曄而後莫之能述。三國。六朝。五代。無論已。馬侯鱗次眉列。兼以圖佐表。而一洗夫有學無問之陋。其獨勝者二也。一曰紀述之靡舛也。書以漢紀。而上述犧年。志繇宋名。而汎取烏紀。顧名思義。究何居焉。釋史則上遡太皞。下訖亡秦。紀事紀人。總以首尾爲疆畔。其獨

勝者三也。一曰論次之最嚴也。中壘著書。僅有題署。承旨作史。并絕贅疣。知人論世。不太畧歟。釋史則文成踰萬。其旨盈千。或奪或予。遂以筆舌爲袞鉞。其獨勝者四也。至於萬千百國。十有二代之閒。大而洪荒。剖判之繇。小而名物訓詁之誤。與夫貞元運會之乘除。皇帝王霸之興廢。陰陽淑慝之消長。禮樂兵刑之因革。以迄日蝕星隕。水流山峙之篇。金生粟死。仰驕俛替之說。若內若外。或事或文。莫不網羅囊括。於百六十卷之中。控六籍。吞百家。駕九流。跨四部。辟之水然。漢畧。崑崙也。晉部。唐典。宋目。元考。以迄明補。龍門積石。太史馬煩也。當吾世而繹史乃出。其真尾閭矣乎。其真尾閭矣乎。或曰。以經爲史可歟。曰。奚不可。夫唐虞作史。而綜爲經。兩漢襲經。而別爲史。蓋經卽史也。或曰。以子爲史可歟。曰。奚不可。夫諸志。史也。而錯以經。小學。經也。而錯以子。故子亦史也。或曰。以箋傳爲史。以蒼粹爲史。可歟。曰。是則有閒。然如顏馬之註。漢註史。杜鄭之爲典爲志。亦孰非與史相表裏者。嗚呼。以史爲史。易。以經爲史。難。以經爲史。易。以子爲史。難。以經爲史。易。猶易。以箋傳爲史。以蒼粹爲史。則尤難。遠紹旁搜。不知繹史所得。視漢唐諸人。孰多乎。夫作者之謂聖。述者之謂明。書契以還。屈指有幾。兼時之興喪。或殊。則道之隆污。頓異。此秦楚之際。甫經烈焰。而聖經賢傳。累世而不復。沿及東漢。乃有欲發冢而求書者。蓋深痛夫一炬之爲禍也。或曰。使祖龍之焰不噓。以待馬侯今日之搜討。則繹史當更勝。是又不然。夫三古之世。所稱文浮於質。莫如周。然仲尼觀史。必適周而始得。韓宣子。季札。觀易象觀樂。必聘魯而始得。而楚左史倚相。僅能讀三墳五典八

索九丘之書。世主遂詫以爲奇。則九皇之初。與七雄之末。載籍之繁簡。又可知也。雖使秦之儒不坑。書不燬。聖經賢傳。當亦未能遠過於今日矣。且使先民作述。纖悉無遺。又安用後死者爲。惟是秦焚楚火。言湮事軼之後。而能從百世以下。摘抉蒐獮。使芒芒墜緒。燦然復著於斯世。與未燒無異。乃見馬侯之有造於斯文。不細耳。予夙有汲古癖。於史尤甚。每有異同。輒形論著。然大抵史乘一家言耳。自讀釋史。然後知天地之大。識宇宙之全。因嘆世之才人魁士。其神智意匠。愈出而愈勝。迴如江河之走大地。而日月之耀終古。固非世代所能囿也。乃世人猶往往操不相及之說。是則蠅蛄芝菌之儔。未足與之商春秋。辨晦朔者。其可一笑置之已矣。予曩未識馬侯。今以喬公之命。獲附名其閒。豈非幸邪。第齒衰思落。未能發明作者之旨趣。且喬公文章理學。有識共仰。而獨以敘屬予。予滋愧矣。非特愧馬侯。竝愧喬公矣。馬侯前理淮陰。今作宰靈陽。皆有冰蘖聲。喬公數爲予言之。學古有獲。不其然乎。第予猶有謁於馬侯者。昔北地欲槩蔚宗而下。益其褒貶。弇州欲挈子長而上。予之刪潤。亦髣髴釋史之義。而兩公之志皆未逮。後人亦卒未有能成之者。馬侯其有意乎。倘能賈其餘勇。自釋史外。更取二十一朝之史。事經文緯。州次部居。以爲後勁。庶幾經國之大業。俯垂來許。上睨千古而無餘憾也哉。昔康熙九年歲次庚戌仲春上澣之吉。年家治弟李清頓首拜題於澹寧齋。

徵言

原夫載籍浩博。貴約束以刈其煩。羣言異同。宜臚陳以觀其備。驢少習六藝之文。長誦百家之說。未能淹貫。輒復遺忘。頃於左氏春秋。篤嗜成癖。爰以敘事易編年。篇目一百。各附以論。辯例圖譜。悉出新裁。讎正舊失。數易稊而成書。謬爲同志所欣賞矣。辯例三卷。圖表一卷。隨筆一卷。名氏譜一卷。庸復推而廣之。取三代以來諸書。彙集周秦已上事。譌爲釋史。是分五部。一曰太古。三皇。五帝。計十篇。二曰三代。夏。商。西周。計二十篇。三曰春秋。十二公時事。計七十篇。四曰戰國。秋以後至秦亡。計五十篇。五曰外錄。紀天官。地志。名物。制度等。計十篇。大凡一百六十篇。篇爲一卷。篇帙多者。分爲上下。或分爲四五。用漢書五行志之法。紀事則詳其顛末。紀人則備其始終。十有二代之閒。君臣之蹟。理亂之由。名法儒墨之殊途。縱橫分合之異勢。瞭然具焉。紀事雖止於秦末。而采書實下及梁陳。事則無微不悉。文則有長必收。除列在學官四子書不錄。論語。大學。中庸。孟子。士子非角誦習。故一槩不錄。若夫五經並麗。陳常士或偏治其一。不復旁通。抑且考校得失。經傳子史。文獻攸存者。靡不畢載。周易。尚書。毛詩。周禮。儀禮。禮記。左傳。公羊氏春秋。孫武子。吳子。三略。司馬法。以上全書具在。或取其事。或取其文。或全錄。或節鈔。若屈原。宋玉諸騷賦。則取之楚辭。傳疑而文極高古者。亦復弗遺。如神農本草。黃帝素問。陰符經。風后握機經。山海經。周髀算經。文選等書。傳疑而文極高古者。亦復弗遺。如神農本草。黃帝素問。陰符經。風后握機經。山海經。周髀算經。文選等書。先秦遺書。至夫莊列寓言。眞贗錯雜者。取其強半。如鬼谷子。尉繚子。鶡冠子。家語。孔叢子之屬。或原有其書。事雖不信。文亦奇矣。眞贗錯雜者。取其強半。如鬼谷子。尉繚子。鶡冠子。家語。孔叢子之屬。或原有其書。出管莊之手。附託全僞者。僅存要略而已。如三墳六韜。亢倉子。關尹子。子華子。於陵子之類。皆近代之人。依名附託。鑿空立論。淺膚不倫。姑存一二。漢魏以還。稱述古

事兼爲采綴以觀異同。

史記·漢書·後漢書·白虎通·風俗通·淮南子·賈誼新書·陸賈新語·劉向說苑·新序·韓

越春秋·華陽國志·王嘉拾遺記·干寶搜神記·任昉述異記·東方朔神異經·劉向列女傳·張華博物志·崔豹古今注·揚雄法言·桓寬鹽鐵論·焦氏易林·抱朴子·許氏說文·文心雕龍·刀劍錄·鼎錄·十洲記·高士傳·列仙傳·神仙傳

·列異傳·錄異記·異苑·方言·釋名·文中子·以上諸書·去古未遠·采取詳略不同·自隋以後·例樂不收·若乃全書闕軼其名僅見·如黃帝內傳·出軍訣·秦壹雜

師曠占·歸藏·尚書大傳·太公金匱·太公陰謀·周春秋·汲冢瑣語·師春·春秋少陽篇·韓詩內傳·元中記·列士傳·丹壺書·衡波傳·子思子·公孫尼子·申子·尸子·范子·計然·繅子·隨巢子·胡非子·田俅子·魯連子·燕丹子

·王孫子·關子·金樓子·正部·孝子傳·三將錄·劉向別錄·汜勝之書·緯識諸號·尤爲繁多·七緯者·易則乾鑿度·喪服要記·琴操·琴清英·古今樂錄·此等或真或偽·今皆亡矣·緯識諸號·尤爲繁多·七緯者·易則乾鑿度·

驗·是類謀·辨終備·詩則含神霧·推災度·汜歷樞·尚書則璇璣鈴·考靈曜·刑德考·帝命驗·運期授·春秋則元命苞·文耀鉤·演孔圖·運斗樞·感精符·合誠圖·考異郵·保乾圖·漢含孳·助佐期·握誠圖·潛潭巴·說題辭·禮則

含文嘉·稽命徵·斗威儀·樂則動聲儀·稽耀嘉·叶圖徵·孝經則援神契·鉤命訣·以上並立名詭異·而託諸孔子·起自漢哀平之際·皆附會也·此外又有尚書中候·春秋內事·命歷序·論語摘輔象·撰考職·河圖握拒·玉版挺輔佐·括

地象·洛書靈準聽·龍魚河圖·遁甲開山·則取諸箋注之言·類萃之帙·雖非全璧·聊窺一斑·十三經注疏·史記索

·漢書注·三國志注·王逸楚辭注·酈道元水經注·六臣文選注·以及左·國·世說等注·其旁證尙論·存古最多·至類書·則杜氏通典·白孔六帖·初學記·藝文類聚·冊府元龜·太平御覽·太平廣記·文獻通考·鄭氏通志·玉海·說郛·

事類合璧·天中記·事文類聚·錦繡萬花谷·其引用古書·又百家所記·或事同文異·或文同人異·即如左國公穀·序事各別·是事

名目·今多未見·或聯載數語·或單存片言·今皆收之·又百家所記·或事同文異·或文同人異·即如左國公穀·序事各別·是事

同文異也·麥丘邑人之祝·或曰桓公·或曰景公·舟人鴻鵠之對·或爲晉平公·或爲趙簡子·是文同人異也·劉向韓嬰

等所記·尤往往相亂·至諸書用字不同·悉依原本·如公羊服脩·穀梁作鍛脩·無駭卒·穀梁作倭·齊人殲于遂·公羊

作識·此類甚多·周言法皆作灋·三禮偏多作辯·呂覽僅或作覲·期或作旗·莊子居或作姬·此各書用字之異·不可更也·互見疊出·不敢偏廢·所謂疑則傳疑·廣見聞也·事屢

辭不同·亦並收之·如楚莊王大鳥之喻·介子推龍蛇之歌·皆四五見矣·或謂事無甚異·不必兼存者·然

如公穀二傳·其不同在隻字之間·將何者可廢·且管韓著書·亦多有一事兩載者·古之人固有取乎爾也·余積思十年

業已撰集成書·獨是僻處下邑·學識固陋·未免搜羅有限·疎漏貽譏·仰祈海內博雅君子·或家傳鄰架·或

腹號經筵。或遊通都大邑。曾見遺書。或從館閣中祕鈔來副本。幸郵致以篇章。及指示以名目。即如世本一書。後人不
過轉相引用。蓋必失之久矣。至若皇甫謐世紀。職周古史考。宋元人猶及見之。豈今已亡。且天下不知名之書必多矣。
至金石遺文。今所習見。不過考古圖。博古圖。諸銘。及石鼓詩。韻楚文。胸懷。堯母。叔孫敖。季札等碑而已。恐不及
見者尤多。與夫碎細小品。若師曠禽經。甯戚相牛。朱仲相貝之流。大凡有助此書者。並求教益。倘獲一言之贈。奚啻百朋之遺。過惠瑤函。罔私祕枕。無任鵠
立以俟。

鄒平後學馬驢拜手敬啟

釋史目錄

世系圖
年表

太古計十卷 卷一至卷十

卷一

開闢原始

卷二

皇王異說

卷三

太皞紀

女媧附

卷四

炎帝紀

卷五

釋史 目錄

釋史 目錄

黃帝紀

卷六

少皞紀

卷七

高陽紀

卷八

高辛紀

卷九

陶唐紀

卷十

有虞紀

三代計二十卷

卷十一至卷三十

卷十一

禹平水土

卷十二

夏禹受禪

后啓附

卷十三

少康中興

卷十四

商湯滅夏

卷十五

伊尹輔太甲

卷十六

太戊盤庚之賢

卷十七

武丁中興

卷十八

周室始興

卷十九

文王受命

卷二十

武王克殷

卷二十一

周建諸侯

卷二十二
總載列國
東穆公封杞
太公封齊
箕子封朝鮮
周公封魯
召公封燕
蔡仲封蔡
康叔封衛
唐叔封晉
曹叔封曹
熊繹封楚
周章封吳
附巴子之封
胡公封陳

周公攝政

卷二十三 周官表

周官之制上

立政 周官 天官冢宰 地官司徒

周官之制下

春官宗伯 夏官司馬 秋官司寇

卷二十四

周禮之制一

冠禮 昏禮 相見禮 鄉飲酒禮 燕禮

周禮之制二

鄉射禮 大射儀 投壺 聘禮 公食大夫禮

周禮之制三

覲禮 喪禮 虞禮 謚諱 奔喪 弔贈

周禮之制四

喪服 郊社羣祀 廟制 祭義

周禮之制五

特牲饋食禮 少牢饋食禮 禮通論

周禮之制六

曲禮 內則教學養老 王制 樂記

卷二十五

成康繼治

卷二十六

穆王命官訓刑

巡遊并載 共王滅密附

卷二十七

宣王中興

卷二十八

列國傳世

魯 齊 燕 宋 衛 陳 蔡 曹 杞 晉 楚 吳 秦

卷二十九

鄭取虢鄩

卷三十

周室東遷

春秋計七十卷

卷三十一至卷一百

卷三十一

魯隱公攝位

卷三十二

鄭莊公克段入許

卷三十三

衛州吁宣姜之亂

卷三十四

宋殤公閔公之弑

卷三十五

桓王伐鄭

卷三十六

魯文姜之亂

卷三十七

齊滅紀

卷三十八

鄭厲公篡國

卷三十九

曲沃并晉

卷四十

魯慶父之亂

三桓始事

卷四十一

王子克子頹之亂

卷四十二

楚子伐滅諸國

武王侵伐諸國

文王滅鄧

文王滅息入蔡

文王之賢

成王之疆

成王滅弦黃豳

穆王滅江六豳

卷四十三

衛懿公亡國

文公滅邢附

卷四十四

齊桓公霸業一

桓公得國 管仲歸齊 桓公用管仲 桓公用諸臣 總記管仲事功 管仲對問

齊桓公霸業二

桓公會盟征伐 別記事蹟異同 雜記

齊桓公霸業三

管子著書上

齊桓公霸業四

管子著書下

卷四十五

晉滅虞虢

卷四十六